



TAJUK KHUTBAH JUMAAT

Siri: 19 / 2022

KEMULIAAN PERIBADI AHLI AL-QURAN

12 Syawal 1443 H

Bersamaan

13 Mei 2022

DIKELUARKAN OLEH:

**JABATAN HAL EHWAL AGAMA
TERENGGANU**

PERINGATAN:

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**. Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

KHUTBAH PERTAMA

الْحَمْدُ لِلَّهِ الَّذِي أَنْزَلَ عَلَيَّ عَبْدِهِ الْكِتَابَ وَلَمْ يَجْعَلْ لَهُ عِوَجًا .
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ،
اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ أَجْمَعِينَ ،
وَمَنْ تَبِعَهُمْ بِإِحْسَانٍ إِلَى يَوْمِ الدِّينِ .
أَمَّا بَعْدُ فَيَا عِبَادَ اللَّهِ ، أُوصِيكُمْ وَنَفْسِي بِتَقْوَى اللَّهِ
يَا أَيُّهَا الَّذِينَ آمَنُوا اتَّقُوا اللَّهَ وَكُونُوا مَعَ الصَّادِقِينَ.

Wahai hamba-hamba Allah ! Saya berpesan kepada tuan-tuan dan juga diri sendiri supaya bertaqwa kepada Allah. Dengarlah perintah Allah yang bermaksud: “Wahai orang-orang yang beriman! Bertaqwalah kamu kepada Allah, dan hendaklah kamu berada bersama-sama orang-orang yang benar”.

Sidang Jumaat yang dikasihi Allah.

Dari mimbar jumaat yang mulia ini, marilah sama-sama kita memberi penuh tumpuan kepada satu khutbah bertajuk:

KEMULIAAN PERIBADI AHLI AL-QURAN

Al Quran memiliki kedudukan yang sangat agung sebagai kitab terakhir yang Allah turunkan sebagai penyempurna kepada kitab-kitab sebelumnya. Ia adalah mukjizat terbesar Nabi Muhammad SAW yang menjadi petunjuk sepanjang zaman. Siapa yang berpegang dengannya tidak akan tersesat selamanya. Allah menurunkan Al Quran kepada umat manusia dengan

penuh hikmah dan mempunyai matlamat yang paling mulia. Allah SWT berfirman dalam Surah Yunus: Ayat 57 :

يَأْتِيهَا النَّاسُ قَدْ جَاءَتْكُمْ مَوْعِظَةٌ مِّن رَّبِّكُمْ وَشِفَاءٌ لِّمَا فِي الصُّدُورِ وَهُدًى

وَرَحْمَةٌ لِّلْمُؤْمِنِينَ ﴿٥٧﴾

Yang Bermaksud : “Wahai umat manusia! Sesungguhnya telah datang kepada kamu peringatan dari Tuhan kamu dan penawar bagi penyakit-penyakit (yang berada) dalam dada dan petunjuk serta rahmat bagi orang-orang yang beriman.”

Justeru itu, hendaklah kita melengkapkan diri menjadi ahli al-Quran. Inilah kedudukan hamba yang sungguh mulia dan tinggi di sisi Allah SWT. Rasulullah SAW telah menjelaskan kedudukan dan keistimewaan ahli al-Quran sebagaimana sabda Baginda :

إِنَّ لِلَّهِ أَهْلِينَ مِنَ النَّاسِ قَالُوا: يَا رَسُولَ اللَّهِ، مَنْ هُمْ؟

قَالَ: هُمْ أَهْلُ الْقُرْآنِ، أَهْلُ اللَّهِ وَخَاصَّتُهُ

Bermaksud: “Sesungguhnya di antara manusia ada yang menjadi ‘ahli’ Allah”. Sahabat ra bertanya: “Wahai Rasulullah! Siapakah mereka?” Baginda saw menjawab: “Mereka adalah ahli al-Quran, (merekalah) ahli (orang-orang yang dekat dan dicintai) Allah dan dilayan istimewa di sisi-Nya.”

(Hadis riwayat Ahmad)

Siapakah Ahli al-Quran ?

Ahli al-Quran ialah seorang yang sentiasa mendampingi al-Quran dengan membaca, menghafal, bertadabbur, mengamalkan serta berdakwah dengan isi kandungan al-Quran.

Sabda Rasulullah SAW yang bermaksud :

“Orang yang mahir membaca al-Quran bersama malaikat yang mulia lagi taat berbakti. Adapun orang yang membaca al-Quran dengan tersangkut-sangkut dan menjadi kesukaran ke atasnya, maka baginya dua pahala.”

(Hadith riwayat al-Bukhari dan Muslim)

Rasulullah SAW juga bersabda yang bermaksud :

“Perumpamaan seorang mukmin yang membaca al-Quran adalah seperti buah limau, baunya wangi dan rasanya juga sedap. Adapun perumpamaan seorang mukmin yang tidak membaca al-Quran adalah seperti buah kurma, tidak ada bau namun rasanya manis”.

Hadis riwayat al-Bukhari dan Muslim.

Perlu diingatkan bahawa jika Allah telah menganugerahkan kepada seseorang itu untuk menghafal al-Quran, maka hendaknya dia bersemangat untuk menjaganya. Jangan sampai menjadi bosan dan lalai untuk mengulangi hafalan yang telah dimiliki kerana hafalan tersebut akan mudah hilang dari ingatan. Rasulullah SAW bersabda :

تَعَاهَدُوا هَذَا الْقُرْآنَ فَوَالَّذِي نَفْسُ مُحَمَّدٍ بِيَدِهِ هُوَ أَشَدُّ تَفَلُّتًا مِنَ الْإِبِلِ فِي
عُقُلِهَا

Bermaksud: “Sentiasalah mendampingi al-Quran ini (dengan mengulanginya), demi tuhan yang jiwa Muhammad berada di tanganNya, sesungguhnya ianya (hafalan al-Quran) lebih cepat terlepas (menghilang) daripada unta dari tali pengikatnya.”

(Hadis riwayat al-Bukhari dan Muslim)

Antara ciri-ciri keperibadian ahli al-Quran ialah :

Pertama : Ikhlas kerana Allah dan tidak mengharapkan habuan duniawi semata-mata. Allah SWT berfirman dalam Surah Asy-Syura, ayat 20 :

مَنْ كَانَ يُرِيدُ حَرْثَ الْآخِرَةِ نَزِدْ لَهُ فِي حَرْثِهِ ۗ وَمَنْ كَانَ يُرِيدُ حَرْثَ

الدُّنْيَا نُؤْتِهِ مِنْهَا وَمَا لَهُ فِي الْآخِرَةِ مِنْ نَصِيبٍ ﴿٢٠﴾

Bermaksud: “Sesiapa yang menghendaki keuntungan di akhirat akan kami tambahkan keuntungan itu baginya dan sesiapa yang menghendaki keuntungan di dunia, kami berikan kepadanya sebahagian dari keuntungan dunia dan tidak ada bahagian ataupun untuknya di akhirat.”

Kedua: Menghiasi diri dengan akhlak terpuji.

Seorang ahli Al-Qur'an sewajarnya menghiasi diri dengan kesopanan yang terkandung dalam ayat-ayat al-Quran. Mereka perlu memiliki keunggulan peribadi dan kehalusan budi. Abdullah ibn Mas'ud RA berkata:

“Seharusnya pembawa al-Quran dikenali dengan menghidupkan malamnya sewaktu orang lain tidur, berpuasa di siangya ketika orang lain berbuka, kesedihannya ketika orang lain bersukaria, tangisannya ketika orang lain gelak ketawa, khusyuk dan rendah dirinya ketika orang lain sombong ego dan diamnya ketika orang lain sibuk berbual. Dia harus kekal tenang sopan, tidak harus dia berkasar, menjadi bodoh, bertempik, meninggikan suara dan degil keras kepala.”

Semoga dengan bertemankan al-Quran di dunia, kita terpilih untuk menjadi teman al Quran di akhirat dan mendapat syafaatnya. Sabda Nabi SAW :

اقْرءُوا الْقُرْآنَ فَإِنَّهُ يَأْتِي يَوْمَ الْقِيَامَةِ شَفِيعًا لِأَصْحَابِهِ

Bermaksud : "Bacalah al-Quran kerana al-Quran akan datang pada hari kiamat untuk memberikan syafaat kepada teman-temannya."

(Hadis Riwayat Muslim)

أَعُوذُ بِاللَّهِ مِنَ الشَّيْطَانِ الرَّجِيمِ

إِنَّ الَّذِينَ يَتْلُونَ كِتَابَ اللَّهِ وَأَقَامُوا الصَّلَاةَ وَأَنفَقُوا مِمَّا رَزَقْنَاهُمْ سِرًّا
وَعَلَانِيَةً يَرْجُونَ تِجَارَةً لَّن تَبُورَ ﴿٢٩﴾ لِيُؤْفِقَهُمْ أَجُورَهُمْ وَيَزِيدَهُمْ
مِّن فَضْلِهِ إِنَّهُ غَفُورٌ شَكُورٌ ﴿٣٠﴾

Yang Bermaksud :Sesungguhnya orang yang selalu membaca Kitab Allah, mendirikan sembahyang dan mendermakan dari apa yang Kami kurniakan kepada mereka, secara bersembunyi atau secara berterang-terang, mereka mengharapkan sejenis perniagaan yang tidak akan mengalami kerugian. Supaya Allah menyempurnakan pahala mereka dan menambahi mereka dari kurnia-Nya. Sesungguhnya Allah Maha Pengampun, lagi Maha Mensyukuri.

(Surah Fatir ayat 29 dan 30)

بَارِكَ اللَّهُ لِي وَلَكُمْ فِي الْقُرْآنِ الْعَظِيمِ.
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ.
وَتَقَبَّلَ اللَّهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ.
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ
وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.

KHUTBAH KEDUA

الْحَمْدُ لِلَّهِ رَبِّ الْعَالَمِينَ. وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهَدُ أَنَّ سَيِّدَنَا مُحَمَّدًا عَبْدَهُ وَرَسُولَهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا
مُحَمَّدٍ، وَعَلَى آلِهِ وَأَصْحَابِهِ أَجْمَعِينَ.
أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.
مَعَاشِرَ الْمُسْلِمِينَ رَحِمَكُمُ اللَّهُ،

Bersempena sambutan hari guru kali ke-51 pada tahun ini, mimbar Jumaat ingin mengambil kesempatan merakamkan setinggi penghargaan kepada semua para guru dan pendidik. Semoga Allah melimpahi rahmat dan kesejahteraan kepada mereka dalam menunaikan setiap tugas dan tanggungjawab mendidik anak bangsa pada zaman yang penuh cabaran ini.

Sidang Jumaat yang dirahmati,

Marilah juga kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا

تَسْلِيمًا

اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا
مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ،
إِنَّكَ حَمِيدٌ مُجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ
وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنَ السَّيِّئِ الْأَسْقَامِ. اللَّهُمَّ
اشْفِ مَرَضَانَا وَارْحَمْ مَوْتَانَا، وَالطُّفْ بِنَا فِيمَا نَزَلَ بِنَا.

اللَّهُمَّ احْفَظْ مَوْلَانَا الْوَاتِقَ بِاللَّهِ السُّلْطَانَ مِيزَانَ زَيْنِ الْعَابِدِينَ، ابْنَ الْمَرْحُومِ
السُّلْطَانِ مُحَمَّدِ الْمُكْتَفِيِّ بِاللَّهِ شَاهٍ، وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ
زَاهِرَةِ، سُلْطَانَةِ تَرَغْكَانُو.

وَاحْفَظْ أَوْلَادَهُ وَأَهْلَهُ وَرِعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالْآخِرَةِ،
بِرَحْمَتِكَ يَا أَرْحَمَ الرَّاحِمِينَ.

اللَّهُمَّ احْفَظْ وِلْيَّ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَاتِقِ بِاللَّهِ السُّلْطَانَ مِيزَانَ
زَيْنَ الْعَابِدِينَ.

Ya Allah, kurniakan kami agar cintakan keimanan. Jadikanlah ia perhiasan hati kami. Pahatkanlah dalam diri kami, rasa benci kepada kekufuran, kefasikan, dan kemaksiatan. Masukkanlah kami ke dalam golongan orang yang mendapat petunjuk. Tunjukkanlah kami kebenaran itu sebagai kebenaran, dan kurniakan kami dapat mengikutinya. Dan tunjukkanlah kami kebatilan itu sebagai kebatilan, dan kurniakan kami untuk menjauhinya. Janganlah Engkau jadikan kami terkeliru, menyebabkan kami menyimpang dari kebenaran. Jadikanlah kami terus kekal istiqamah atas kebenaran.

Ya Allah, pertautkanlah hati-hati kami. Baikilah hubungan sesama kami. Tunjukkanlah kami jalan-jalan keselamatan dan kesejahteraan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
وَصَلَّى اللَّهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.
وَالْحَمْدُ لِلَّهِ رَبِّ الْعَالَمِينَ.

عِبَادَ اللَّهِ!

أَذْكُرُوا اللَّهَ الْعَظِيمَ يَذْكُرْكُمْ، وَاشْكُرُوهُ عَلَى نِعْمِهِ يَزِدْكُمْ،
وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ.
□ قُومُوا إِلَى صَلَاتِكُمْ، يَرْحَمْكُمْ اللَّهُ.